

V I R O
*Magnifico, Nobilissimo, Amplissimo
 Consultissimoque*
 D O M I N O
**JOANNI
 GODOFREDO
 ROESNERO,**

*Burggratio Regio, Pro-Cons. & Proto-
 Scholarchæ*

In Regia hac Civitate Thorunensi,

Longe meritissimo gravissimoque

De feliciter redeunte Nominali Die

d. 24. Junii M. DCCXIV.

Rudi quidem Carmine, sed demissa mente

Gratulabantur

**GYMNASHII THORVNENSIS
 TRIUM SUPERIORUM CLASSIUM
 AUDITORES.**



THORVNII, impressit Joh. Nicolai, NOBIL, SENAT. & GYMN. Typogr.

Pelle metum solitum, qui corda perurit, & effe
Cladibus afflictum, Clara Thotuna, caput.
Indue paullisper faciem inter bella serenam,
Nam nullifas est hoc gemuisse die.
Parce genis igitur, gemebundis parce querelis,
Postque graves planctus carmina lata cane.
Vos quoque quæ colitis nostri saera culmina Pindi,
Pierides, dulci fundite voce melos.
Sumite jam citharamque levem, chordasque sonoras,
Habtenuis in latebris quæ latuere suis.
Carmine sic Pindus resonet, montesque propinquui
Multiplici repetant gaudia vestra sono.
Talia nam poscunt præsentis festa diei
Talia noster amor cum pietate iubet.
Talia Magnifici poscunt benefacta Patroni,
Talia cum Musis Tota Thotuna cupit.
Quis vero tantas poterit describere laudes,
Nomina vel tanti concelebrare Viri?
Vix Maro divinus, vel doctus Horatius illas
Scriberet, aut numeri, culte Tibulle, tui.
Scilicet ille sibi meritis devinxerat omnes,
Quos fovet in gremio patria nostra suo.
Nam licet horrendus vibret sua fulmina Mavors,
Urat & ancipiti mænia nostra malo;
Quamvis flammivomus consumat mulciber ædes,
Nostraque divexet prædia miles atrox:
TU tamen intantis omni ratione ruinis
Conservas cives, Magne Patrone, tuos.
Mens TIBI firma manet, seu fluctu turgeat æquor,
Seu ducas placido candida vela mari.
Ut stans in dubiis undis ex postaque vento
Rupes, infestis firma resistit aquis.

Ut quæ robustis quercus radicibus hæret,
Contemnit vires, Æole dure, tuas.
Sic TU sanguinei funesta pericula Martis
Sævægæ Bellonæ temnere verba soles.
Terribilesque procax quashostis spirat ab ore,
Pectore constanti despicias usque minas.
Accedit Pietas vitæ integritasque probata,
Juris & antiquæ Religionis amor;
Consilii plenum pectus, Prudentia rerum
Maxima, sermonis gratia, mira Fides.
Pluraque, quæ fida dum laudant mente clientes,
Et patrius tacito civis honore colit;
Quid mirum, si læta canat TUA nomina, & istum
Plausibus excipiat Tota Thoruna diem.
Iam querulo cives solvunt sua pectora luctu;
Pars cantat laudes, Summe Patronæ, tuas:
Pars Tibi præsentis gratatur festa diei,
Proque salute TUA candida vota capit.
Quinimo nitidus Musarum Præses Apollo,
Gaudia non potuit dissimulare sua.
Pieridumque choro medius dum sedet in alto
Bellerophontei culmine montis, ait:
Pandite nunc Helicona sacrum plaususque ciate,
Quæ colitis Pindi limina docta Deæ.
Fundite ROESNERI dulci modulamine laudes,
Nomen & EXIMII condecorate VIRI.
Qui nostras inter sævi discrimina Martis
Artes præclare promovet atque fovet.
Ut licet in mediis belli flammæque ruinis
In placido maneant pulpita nostra statu.
Quam male convenient alias cum milite Musæ,
Tristia ludorum fata docere queunt.

(O)

Quos

Quos cum disjiciant crudelis fulmina belli
Squalida barbariae secla redire solent.
Sic quoque Thorunii quas vidimus hactenus artes
Debuerant charum deseruisse locum,
Ni pia ROESNERI virtus curasset, ut ipsis
Jam profugis sedes tuta parata foret.
Hunc ego, cum nostros non ultimus inter alumnos
Assidua tereret dogmata nostra manu,
Talem prævidi, qualem nunc esse videtis,
Sæpeque prædixi, cara Thalia, Tibi.
Nec mea me quondam vel spes concepta fefellerit,
Vel quæ tunc vobis vaticinatus eram.
Iam Noster dignis mactatur honoribus, atque
Raræ virtutis præmia larga tulit.
Vos tamen interea tantum celebrare Patronum
Et grates memori mente referre decet.
Dixerat, & tenues intendens pollice nervos
Edidit Aonio pectine dulce melos.
Insequitur cantus, vocum discordia concors,
Carmine mox dulci personat omne jugum.
Tale quidem doctus cantabat carmen Apollo
Talesque edebat turba novena sonos.
Quid vero noster Pindus quid nostra Camena
Affert, cui semper barbitara uca sonant?
Magna quidem voluit conscribere carmina, sed non
In faciles numeros cogere verba potest.
Ergo Tibi Musæ placeat demissa voluntas,
Quæ pro carminibus vota precesque tulit.
Æthereum Numen quod tempora cuncta diesque
Dirigit, hunc jubeat sape redire diem.
Ut possis canos attingere Nestoris annos,
Et varia semper prosperitate frui.

os(O)so